



30 Ogos 2017
30 August 2017
P.U. (A) 253

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH CUKAI PENDAPATAN (PENGECUALIAN) (NO. 8) 2017

INCOME TAX (EXEMPTION) (NO. 8) ORDER 2017

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA CUKAI PENDAPATAN 1967

PERINTAH CUKAI PENDAPATAN (PENGECUALIAN) (NO. 8) 2017

PADA menjalankan kuasa yang diberikan oleh perenggan 127(3)(b) Akta Cukai Pendapatan 1967 [*Akta 53*], Menteri membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Cukai Pendapatan (Pengecualian) (No. 8) 2017**.

(2) Perintah ini disifatkan telah mula berkuat kuasa mulai tahun taksiran 2015.

Tafsiran

2. Dalam Perintah ini—

“kelengkapan automasi” ertinya apa-apa loji atau jentera yang digunakan secara langsung dalam projek yang layak yang mengguna pakai teknologi yang lebih maju daripada teknologi semasa yang digunakan oleh syarikat yang layak;

“perbelanjaan modal yang layak” ertinya suatu perbelanjaan modal yang berhubungan dengan kelengkapan automasi yang digunakan di Malaysia semata-mata bagi tujuan menjalankan suatu projek yang layak;

“projek yang layak” ertinya projek yang diusahakan oleh suatu syarikat yang layak untuk memodenkan atau mengautomasikan aktiviti pengilangannya yang sedia ada bagi sesuatu produk;

“syarikat yang layak” ertinya syarikat yang disebut dalam perenggan 3(a).

Pemakaian

3. Perintah ini hendaklah terpakai bagi—

(a) syarikat yang layak yang memenuhi syarat yang berikut:

- (i) yang diperbadankan di bawah Akta Syarikat 2016 [*Akta 777*] dan bermastautin di Malaysia;
- (ii) yang melibatkan diri dalam aktiviti pengilangan dengan mematuhi Akta Penyelarasan Industri 1975 [*Akta 156*];
- (iii) yang memegang suatu lesen perniagaan yang dikeluarkan oleh pihak berkuasa tempatan yang berkenaan;
- (iv) yang telah menjalankan projek yang layak bagi tempoh sekurang-kurangnya tiga puluh enam bulan;
- (v) yang telah melakukan perbelanjaan modal yang layak—
 - (A) berhubung dengan syarikat yang layak yang menjalankan projek yang layak yang berhubungan dengan getah, plastik, kayu, perabot dan tekstil, dalam tempoh asas bagi tahun taksiran 2015 hingga tahun taksiran 2017; atau
 - (B) berhubung dengan syarikat yang layak yang menjalankan projek yang layak selain yang dinyatakan dalam subsubsubperenggan (A) sebagaimana yang ditentukan oleh Menteri, dalam tempoh asas bagi tahun taksiran 2015 hingga tahun taksiran 2020; dan
- (vi) yang telah membuat permohonan untuk pengecualian cukai pendapatan melalui Lembaga Pembangunan Pelaburan Malaysia

yang ditubuhkan di bawah Akta Lembaga Pembangunan Pelaburan Malaysia (Pemerbadanan) 1965 [*Akta 397*]

(A) berhubung dengan syarikat yang layak yang disebut dalam subsubsubperenggan (v)(A), pada atau selepas 1 Januari 2015 tetapi tidak lewat daripada 31 Disember 2017; atau

(B) berhubung dengan syarikat yang layak yang disebut dalam subsubsubperenggan (v)(B), pada atau selepas 1 Januari 2015 tetapi tidak lewat daripada 31 Disember 2020; dan

(b) kelengkapan automasi yang telah diperakui oleh Ketua Pengarah Institut Standard dan Penyelidikan Perindustrian Malaysia sebagai mengguna pakai teknologi yang lebih maju daripada teknologi semasa yang digunakan oleh syarikat yang layak.

Pengecualian

4. (1) Menteri mengecualikan suatu syarikat yang layak dalam tempoh asas bagi suatu tahun taksiran daripada pembayaran cukai pendapatan berkenaan dengan pendapatan berkanun yang diperoleh daripada suatu projek yang layak yang bersamaan dengan amaun elaun sebagaimana yang ditentukan dalam subperenggan (3).

(2) Pengecualian yang diberikan di bawah Perintah ini adalah tertakluk kepada syarikat yang layak mematuhi semua syarat yang dikenakan berhubung dengan pengecualian itu.

(3) Amaun elaun yang disebut dalam subperenggan (1) ialah seratus peratus amaun elaun yang layak bagi syarikat yang layak itu di bawah kaedah 5 dan 6 Kaedah-Kaedah Cukai Pendapatan (Elaun Modal Dipercepat) (Kelengkapan Automasi) 2017 [*P.U. (A) 252/2017*].

(4) Tiada apa-apa dalam subperenggan (1) boleh melepaskan atau disifatkan telah melepaskan syarikat yang layak itu daripada mematuhi apa-apa kehendak untuk mengemukakan apa-apa penyata atau penyata akaun atau memberikan apa-apa maklumat lain, di bawah Akta.

Pendapatan berkanun

5. (1) Tertakluk kepada subperenggan (2), pendapatan berkanun yang disebut dalam subperenggan 4(1) dalam tempoh asas bagi setiap tahun taksiran hendaklah ditentukan selepas memotong elaun yang boleh diberikan di bawah Jadual 3 kepada Akta walaupun tiada tuntutan bagi elaun itu telah dibuat.

(2) Amaun pendapatan berkanun yang dikecualikan di bawah subperenggan 4(1) hendaklah tidak melebihi tujuh puluh peratus bagi setiap tahun taksiran.

(3) Jika, oleh sebab ketiadaan atau ketidakcukupan pendapatan berkanun, pengecualian tidak boleh diberikan atau tidak boleh diberikan sepenuhnya sebagaimana yang syarikat yang layak itu berhak di bawah subperenggan 4(1) bagi tahun taksiran itu, maka sekian banyak daripada pendapatan berkanun yang berkenaan dengannya pengecualian tidak boleh diberikan bagi tahun taksiran itu, hendaklah diberikan pengecualian bagi tahun taksiran pertama yang berikutnya bagi tempoh asas yang syarikat yang layak itu mempunyai pendapatan berkanun daripada projek yang layak dan bagi tahun atau tahun-tahun taksiran yang berikutnya sehinggalah pengecualian diberikan berkenaan dengan keseluruhan pendapatan berkanun sebagaimana yang syarikat yang layak itu berhak di bawah subperenggan 4(1).

Penarikan balik pengecualian

6. (1) Jika perbelanjaan modal yang layak dilakukan oleh suatu syarikat yang layak ke atas kelengkapan automasi yang digunakan bagi maksud suatu projek yang layak dan kelengkapan automasi itu dilupuskan pada bila-bila masa dalam tempoh lima tahun dari tarikh perolehan kelengkapan automasi itu, pengecualian yang diberikan berkenaan dengan amaun pendapatan berkanun yang bersamaan dengan amaun elaun bagi